

漢記五種

卷二

			九	漢
		一	一	書
		二	五	門
		三	二	
九	八	三	二	
冊	架	函	號	類

庫文閣內	
二九二函六架	內閣文庫
番號	漢 9152
冊數	5(2)
函號	292 12



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





雁山雜記

鄢陵韓則愈秋巖著

雁山之遊有可愧者一未暢者二可  
華者一予客永嘉十一年矣雁山遊  
在咫尺而今年才得一遊行住坐卧  
即經旬累月不足以贖疎失之愆乃  
以廿一日入廿五日出幽巖絕壑有

雁山雜記 卷二

交臂而失之者矣此可愧也古人遊覽必攜勝侶一以窮山水之趣一以取倡和之樂既中諸友謀所以同遊者屢矣予既不能作東道主人茗酒歎洽而諸君亦艱於裹糧相從雖對佳山水未免孤寂此未暢者一也凡山遊酒脯藥餌一不可缺予所帶已

寒儉可笑而又半為從者竊用以致奇峰怪石磊落吾前思一盡賞之竟不可得此未暢者又一也所幸往返二十日清秋晴昊無淒風苦雨之患差足慰耳嗟夫遊山亦有緣矣昔東坡在廬山皆不作詩最後始有不識廬山真面目祇緣身在此山中之句

高人以至性與名山勝友相酬酢不  
在以惡詩唐突也余遊雁山初欲作  
游記以遊歷未盡不敢率作僅就耳  
目之所及者記之題曰雁山雜記客  
有問雁山游况者聊以塞責不足觀  
也邑西重陽秋巖老人書東院竹下  
雁山在樂清東北衡三十里縱十里峰

巒秀異足稱海內竒觀惜土氣薄而  
石皆骨立開坪偏仄故梵刹與廢不  
常不能容衆如靈隱天竺徑山天童  
之盛也

入雁山有三路一從大芙蓉入梅雨潭  
一從小芙蓉四十九盤入能仁寺一  
從大荆驛入石梁洞惟四十九盤爲

最險若非高興邁往鮮不以爲苦矣  
雁山中田少而磽菽麥棉花之外每年  
收稻不足千碩往昔盛時如能仁諸  
刹皆賴山外之田取租養贍復以差  
繁賦重反成大累今盡棄界外僧雖  
貧而無追呼之苦得以少安亦佳耳  
靈巖寺峰巒爲雁山之冠惜傾圮殆盡

近有僧梅菴自鼓山來剪荆榛犯虎  
穴誓願重興若佛菩薩加被得遂其  
願使此寺煥然復新其功德真無量  
也

羅漢寺爲巨那尊者芙蓉菴故址與誦  
經巖正對或以爲未吉徙之幾至陵  
替近漢梅監院復移置故址稍改坐

向以誦經巖為用神雖堪輿之言亦  
有理也

小蓮狀奇特不讓西谷然西谷氣勢高  
大終當以第畜之且獨秀諸峰環立  
左右爭勝鬪奇遂不得獨擅其妙虬  
髯客遇太原公子決意下海正此意  
也

雁山無筍以土薄不能蓄竹然瓜架芋  
區處處皆有足以自給山居亦不苦  
矣

淨名寺一帶石壁如堵牆或名鐵城或  
名霞帳壁皆有穴高低不齊山中入  
就穴中置蜂房每年取蜜蠟易米東  
甌食蜜以雁山者為佳即此也

雁山石多於土唯雁蕩峰頭四湖窪汪  
泥深數丈深秋蘆花映帶無異江渚  
亦大奇事昔有卧雲大師結茅湖畔  
大師滅後遊人罕有至其巔者予素  
乏濟勝具聞山僧言徒神往耳  
能仁寺爲入山第一化城寺亦巨麗聞  
昔盛時上司來游雁山者必以此爲

歇宿之地小芙蓉里民挈食物器皿  
供億觀候二谷樂清縣志則游山誠  
樂民之最苦矣今寺燬於寇殘礎斷  
椽無復存者惟存鐵鑊一口在荆棘  
中重二萬七千筋乃宋時物僧云尚  
有一鐘重亦如之爲寇烹分不存矣  
雁山之泉無處不佳以水從石出無泥

渣混濁故與他處不同耳

飛泉寺坐落最好諸刹風水無踰此者  
今寺僧尚有二十餘衆衣食豐足嘗  
疑佛法一切皆空乃所居之地又以  
風水爲衰旺何也

雁山志本山板燬唯飛泉寺尚存一本  
以爲山中文獻邑人李寧侯蒐覽載

籍勤成一書可謂良工苦心有功山  
靈惜剗削無力尚未行世視舊本殊  
勝也

玉甌峰自是高流吐納之地若欲作一  
叢林恐未易辦以山峰太高人處石  
上不能受土氣何繇發達必欲爲安  
僧計亦如靈峰洞下建一靈峰寺但



以此為遊覽之景則善矣

兩溪山水甚佳既至玉甌正好乘便一  
遊輿夫苦於草深路峻殊不能強遙  
望雲壑不勝引領

溫郡食鹽舊有永嘉雙德長林諸場竈  
戶燒煎順治辛丑八月悉棄界外溫  
郡無鹽乃令抗商販賣價昂數倍窮

民食淡有經旬不見鹽者甲辰正月  
予再過永嘉亟言於新令尹王亦世  
曰甌民食無鹽苦極矣盍集士民急  
商內地開煎之法以救此殘黎亦世  
首肯再言於司李愁淑子亦首肯廼  
力請制臺趙公具題內地開煎永瑞  
竈戶則在飛雲渡樂清竈戶則在大

芙蓉小芙蓉白沙嶺一帶於是旣商  
復集民間不嗟食無鹽矣巳酉八月  
予遊雁山道經大小芙蓉見鹽竈鱗  
次玉屑雪英飲水思源趙公遺澤不  
可忘也

雁山春夏多馬蜩毒物善嚙人流血不  
止以燒竹葉塗創血立止昔人云春

近天台秋遊雁蕩正謂此也

雁山記  
雁山記  
雁山記  
雁山記  
雁山記  
雁山記  
雁山記  
雁山記  
雁山記  
雁山記

雁山雜記終

安南雜記

遂寧李仙根子靜著

交趾之地即安南即交州即日南西北  
 自交岡來故曰交趾東北界廣西東  
 界廣東西界雲南西南界老欄即古  
 哀牢南插入大治中通占城秦漢時  
 皆郡縣也黎氏王國在富良江西後